



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

Abbates Casinenses cur appositi. Cap. II.

**urn:nbn:de:hbz:466:1-38372**

*Abbates Casinenses cur apposti. Cap. II.*

V M aliorum Ordinum Generales omnes, quos reperire potui, in præsentis libro apposuerim; omnino necessarium duxi post tractatum de Sanctissimo Patre nostro Benedicto, catalogum Abbatum sacri Monasterij Casinensis hic intexere, cum ob honorem & reuerentiam tanti Patris, cuius uices in terris gesserunt, & gestant; tum etiam ob dignitatem, & præminentiam, quam super ceteros totius Orbis Abbates, & Prælatos, tanquam omnium Generales, habuisse noscuntur. Quæ auctoritas S. Petronaci Abbati, in omnium persona, à S. Zacharia Papa data, ut ex eius diplomate, quod excusum legitur post finem chronici Casinensis, liquet, non solum ab eius successoribus confirmata, verum etiam mirum in modum aucta legitur. Quantus autem fuerit Sacri Montis Casini Abbas, quam potens, & quam Principibus huius seculi carus & acceptus, inscriptionis eius titulus indicat. Inscribebatur enim,

Patriarcha sacre Religionis; Abbas sacri Monasterij Casinensis, Dux, & Princeps omnium Abbatum & Religiosorum; Vicecancellarius sacri Imperij per Italiam; Cancellarius Regnorum, vtriusque Siciliae, Hierusalem, & Hungariae; Comes, & Rector Campaniae, Terræ laboris, maritimæque Prouinciæ, Vice Imperator, & Princeps pacis.

Postremus uerò ille titulus ideo illi datus, quod nullus, nisi consentiente Abbate Casinensi, cum Imperio reconciliari, aut pacificari poterat.

Ex ijs autem quæ possidebat, eius potentia omnibus erat admirabilis, & tremenda, subiecebantur enim ei, Episcopatus 4. Principatus 2. Ducatus 2. Comitatus 20. Ciuitates 36. Castella 250. Villæ 440. Curtes 336. Portus maritimi 23. Insulæ 33. Molendina 200. Territoria 300. Ecclesie 1662. Et cum tantus esset in temporalibus, spiritualia etiam minimè neglexit, ut ex eius alumnis uidere est.

Protulit enim sacrum hoc monasterium Romanos Pontifices. 4. Cardinales S. R. E. plures. Archiepiscopos, & Episcopos, quamplurimos: quorum tamen pauci temporum iniuria ad nos peruennerunt; Viros doctrina, & scriptis celebres innumerabiles: Sanctorum catalogo adscriptos, quinquies mille, quingentes, quinquagin.

gintaquinque, unde Versus,

*Mitis, & inuicte Christi uerna Benedicte,  
In Cælo sisti, tot fratres promeruisti;  
Quingentos quinque quingenos millia quinque,  
Ad te translatos, prius omnes canonizatos.*

Reges etiam duos, & alios Principes uiros, de quibus in sequentibus agemus. Incipiemus autem catalogum à S. P. N. Benedicto, ut series continuata melius dignoscatur.

*Catalogus Abbatum, i Montis Casini. Cap. III.*



**S**ANCTVS Benedictus, natione Romanus, patria Nursinus, Vniuersalis Cœnobitarum in Occidente institutor, & Doctor, ac Casinensis Archisterij primus fundator, claruit miraculis annis 48. Præfuit Monasterio Casinensi annis 14. Obijt anno Domini 542. uel 543. Indictione 5. uel 6. die 25. Mensis Martij Sabbatho Sancto Paschæ illucescente, & sepultus est in Oratorio S. Ioannis Baptistæ. Vixit annos 62.

Sanctus Constantinus Sanctissimi P. N. Benedicti discipulus, cuius mentionem facit S. Gregorius Papa Dial. libr. 2. cap. 1. eo enim enarrante uitam tanti Patris se composuisse refert, ob sanctitatis, & sapientiæ meritum dignus iuuentus est, qui Patri suo in Abbatia regimine succederet: quo gubernante multa Ordinis Monasteria diuersis in locis, & præcipuè in Hispania, & Gallia per S. Maurum fundata sunt. Vixit ad annum Domini 560.

Sanctus Simplicius, eiusdem Patris discipulus, ac tertius post eum Casinensis Abbas, regulam, quam suus magister ediderat publicè legendam omnibus Monachis tradidit; & cum esset Poeticæ etiam laude clarus, versus nonnullos de eadem re descripsit; tantusque fuit, ut post mortem Sanctorum catalogo pro meritis, fuerit adscriptus. Obijt circa annum Domini 576. & sepultus est Casini iuxta magistri sui corpus.

Sanctus Vitalis, Abbas Casinensis quartus, floruit anno 580.

Sanctus Bonitus Abbas Casinensis quintus, cuius tempore crudelissimus Beneuentanorum Dux Zotho, noctu Casinum ingressus, locum in prædam & direptionem dedit, & ad solum usque subuertit. Quæ celeberrima monasterij clades illa fuisse uiderur, quam di-